

沈乃文 主編

明別集叢刊 第三輯

第五十二冊

黃山書社





国家出版基金项目
NATIONAL PUBLISHING FOUNDATION


『十二五』國家重點圖書出版規劃項目
2011—2020 年國家古籍整理出版規劃重點項目

沈乃文 主編

明別集叢刊 第三輯

第五十二冊

黃山書社



(明) 彭紹賢 著

擊壺編六卷

明萬曆刻本

關中雜詠叙

癸巳量移秦中地饒古蹟
終南二華在焉輒忻然神
往柰聞司轄軍壘二千餘
里羽書如織余性不能模
稜諸務遂費拮据而藩臬

擊壺編

叙

諸君最稱莫逆綺語公機
皆屬余草創篝燈酬應每
至夜分詩腸中不可得隻
字惟南山一片青從空中
飛集几案撩人拄笏遐想
耳僅錄秦王宴賞及藩

臬諸丈往還之什終南二
華故庭宇間物竟不得登
覽良可自笑歸時道出漢
口浮大江而下差足騁目
然我終不能忘情關中也
因繫之關中雜詠為一帙

擊壺編

叙

二

萬曆丁巳十一月彭紹賢
題



中雜詠目錄

秦王賜宴放燈觀火樹

同藩臬諸丈宴沉香亭

署中望終南山

送王念慈憲使督學蜀中

過華嚴望長安

七夕寄懷仁菴王孫

歲晏將之秦留別止菴王令君

擊壺編

目錄

乙

留別王舜泉大將軍

懷止菴王比部

寄許星石侍御并申勸駕

秋日再題喻海屋使君五嶽廬

寄懷謝吉甫少尹

贈竊菴上人

閨夜二首

發兵戍固鎮賦從軍樂四絕

寄友人

謝定菴病中得長君洪伯捷報寄此志

喜四首

寄懷李乾脩丈兼壽其太夫人十首

寄友人三首

四時子夜歌

閨思

閨怨四絕

擊壺編

目錄

二

藍田贈別安郝二歌者三首

夏日漢陽喻海屋使君招飲晴川樓二

首

赤壁懷古

喻海屋使君移舟送至吳門賦謝寄懷

一首

從軍行

秋閨怨

擬古

紫騮馬

關中雜詠目錄終

擊壺編

目錄

二

關中雜詠

鹽官彭紹賢孔嘉甫著

甥賀萬祚孝延甫校

秦王賜宴放燈觀火樹

離宮蕭鼓逗踈鐘
賓從梁園喜再逢
火齊輝騰仙仗近
玻璃光溜玉杯濃
橫空宿靄消香獸
壓樹朱星奮燭龍
柰可瑱樓高十二
綵雲鸞鳳影重重

擊壺編

乙

二百一

同藩臬諸丈宴沉香亭

景龍池上清流曲
宿昔玄宗駐遊蜀
佳人同輦色傾城
含睇春風生黛綠
紅塵飛騎荔枝來
白羽霓裳艷曲裁
妙舞清歌恣驕態
不信君王笑不開
合歡未歇邊塵起
萬乘崎嶇竄荆杞
當時寵冠後宮人
埋玉寧知荒驛裏
沉香亭上問名花
古蔓蕭蕭白日斜
不見倚欄人似玉
惟有悲風雜暮笳

署中望終南山

坐挹南山色悠然入署寒清輝窺几席濕
翠上衣冠白石羹何有青泥飯可餐漢皇
遺恨在雲裡剩金盤

送王念慈憲使督學蜀中

芳草離亭酒一卮別來秋夜繫相思霓旌
月映秦川色文鐸風行蜀道時巫峽氣清
猿嘯急錦江烟鎖雁歸遲從今分手河梁

擊壺編

二

二五〇一

去何日重賡白雪詩

過華岳望長安

合沓三峰望不迴至今高掌巨靈開通天
箭括陰雲斷迸地黃河秋色來北斗城連
秦輦道南山樹隱漢樓臺攬芝欲問仙人
鹿可有芙蓉露一杯

七夕寄懷仁菴王孫

王孫芳草各天涯憶昔風流興未賒玉勒

看馳金埒馬絳綃利度碧油車平臺枚叟
詩題滿錯舄淳于酒不加翹首朱門今夜
月雙星燦爛映流霞

歲晏將之秦留別止菴王令君

尊酒相看意氣并幾年清夢慰逢迎雙鳬
喜近依仙令匹馬俄傳入漢京海色晴分
千障出隴雲寒壓二嶠平春風若到長安
道為識花開已遍城

擊壺編

三

二五〇五

留別王舜泉大將軍

帳飲歡呼夜未闌離歌筇吹斗生寒投醪
滄海從軍樂策馬函關行路難千里宦情
雲共薄幾年別淚雪沾殘他時華嶽遙相
待欲借吳門匹練看

懷止菴王比部

屈指風流盡省賢別來作客又經年函關
鴈帛風中出蒹水魚書雨後傳月滿開尊

擢舉白秋清揮塵談玄相逢不少山陰
與白馬吳門思黯然

寄許星石侍御并申勸駕

聞君滄海賦郊居目斷秦關信轉踈西北
浮雲還變隼東南王氣未蕭疎朝端競識
新封事匣裏猶傳舊諫書尊君故為給事有聲聖
主只今宵旰切莫耽高卧負徵車

秋日再題喻海屋使君五嶽廬

擊壺編

口

二五十一

壁立層巒洞壑幽嶙峋黛色座中收不湏
王母傳丹訣時許宗生借卧遊家有名山
藏大業地臨嵩嶽控神州使君總屬蒼生
望招隱無勞賦蚤秋

寄懷謝吉甫少尹

孤城風雨夜論詩把別河山又歲時君自
去天惟咫尺好憑鴻雁問離思

贈邾菴上人

一鉢幽棲祇樹林茅簷間寂見禪心若瑞
清磬雲中出踏遍空山何處尋

閨夜二首

一枕夜窓風雨孤燈夢破殘鍾衣上春銷
蘭茝鏡中秋老芙蓉

其二

幽閨坐沉初月虛閣忽生悄風纖指撥殘
別鵠明眸盼殺來鴻

擊壺編

王

二五十二

發兵戍固鎮賦從軍樂四絕
傳聞候騎塞甘泉尺檄橫馳募少年願盼
自矜飛骨在欲憑一劍勒燕然

其二

鴈聲驚落玉門秋露壓旌旗冷戍樓莫訝
斗邊虹氣王匣中昨夜拂吳鉤

其三

羽書飛捷奏明光驕勒鳴金滿道傍為問

獻俘諸校尉何如生縛左賢王

其四

軍前刁斗夜初停曲裏關山緩帶聽却笑
翕侯空畫策那能不絕幕南庭

寄友人

白雲搖曳入江流落日蕭條大陸秋十載
交游君自見不知誰更有披裘

其二

擊壺編

六

下卷

河上西風鴈影斜故人遙憶各天涯也知
兩地俱無恙莫遣浮生負歲華

其三

南北相思萬里分開尊清夜見江雲可憐
一片城頭月裁入新詩擬贈君

謝定菴病中得長君洪伯捷報寄此

志喜

傳聞冀北有高臺萬馬如雲蹀躞來盡道

郭隗空市骨只今買得是龍媒

其二

刈秫秋來釀濁醪病中書寄北風勞還憐
桂魄燕山裏意氣當場奪錦袍

其三

木落蕭蕭淒淒水寒憑將雙鯉問加餐芳名
已遍長安道莫遣微官誤釣竿

其四

擊壺編

二

宦况休嗟世路難幸逢見輩已登壇由來
王謝高門閥次第烏衣巷裏看

寄懷李軾脩丈兼壽其太夫人十首

當年傾蓋便相親為憶粉榆有故人若向
斗邊占劍氣滄溟咫尺即延津

其二

武騎歸來志未酬都亭車馬謬淹留臨節
賓從如雲集誰識相如故倦游

其三

稽生曠達謝公才彩筆生花映酒栢風雅
一時辭後進河山咫尺重徘徊

其四

伯牙臺上有鳴琴欲撫朱弦思不禁撥盡
宮商成別鶴懶將時調覓知音

其五

翩々雙鳥去朝天共道東南雨露偏三異

擊壺編

八

漢家誇盛事仙芝瑞麥幾回傳

其六

屈指清時卓異才徵車遙映日邊來攀轅
父老休留戀節鉞猶能借冠來

其七

河梁一別黯銷魂雨々風々倒酒尊君去
倘饒回首意好將匹練望吳門

其八

別有荆山泣暗投楚庭三獻總含羞逢君
別得渾生色十五名城忽見酬

其九

淮南賓客學長生身近蓬萊是大漠春暖
雲霞皆五色須知阿母醉瑤笙

其十

春雲日々雨絲々正是棠陰蔽帶時欲寄
素書題未就却教清夢慰相思

擊壺編

九

寄友人

新柳垂々繞御津暖風輕盪九衢塵春光
已遍長安市慷慨寧忘擊筑人

四時子夜歌

翻笑妖紅雨泣憑他弱柳風眠日晏倩郎
扶起粧成我見猶憐

其二

綠暈紗窓蕉影香翻曲沼蓮枝不信朱明

過冰心自有即知

其三

樹杪霏々黃蝶階前片々清霜笑指同歸
鴻鴈何如並宿鴛鴦

其四

雪甃樓頭碧瓦風銷帷裡紅簾漏洩春光
何處鏡裏燈前枕邊

閨思

擊壺編

十

下四二

弦上離聲切々別鶴何年復還即去渾如
流水妾愁重壓春山

其二

長日深々倦繡閒呼姊妹圍碁儂自有思
撩亂愁城欲破何時

其三

一字兩字先結愁多怨多難裁窠是悲鴻
知己寶家機上徘徊

其四

青鏡看々自惜輕蟬半掩珠翹莫訝雙蛾
未掃彎々猶待即描

閨怨四絕

百花開遍晝遲々滿院芳菲闌艷姿辜負
儂家好春色對花無語惜花枝

其二

日長香樹鎖芳蕤枕簟青々午倦時好夢

擊壺編

十一

下五三

不成喧坐鳥偷將梅子打鶯兒

其三

井梧一葉墮新秋商氣蕭々妾轉愁望斷
碧天空鴈字信音難到隴西頭

其四

雪壓疎花凍未銷沉々曉帳怯寒貂春風
非久應相識只恐春來更寂寥

藍田贈別安都二歌者三首

梨園安郝擅西秦一曲陽關調轉新目斷
藍橋南去路東風愁絕幾迴顰

其二

花明常曲聽秦聲曾向尊前醉玉笙無奈
臨岐楊柳色慙無攀折也關情

其三

藍田澗水日決々多少攀轅大道傍最是
征人聽不得纔當別調便沾裳

擊壺編

十二

三八十三

夏日漢陽喻海屋使君招飲晴川樓

二首

河朔風流荷勝邀高樓縱目俯烟霄漢江
月出疑無地大別雲寒欲上潮隔水芳洲
行處沒摩天黃鶴望中遙登臨不信非吾
土故國平居未可招

其二

森々竹樹漢陽臺路轉丹梯氣爽我擁關

花明長孺卧登樓月滿庾公來白雲曉破
千檣下青嶂晴分萬堞開若問登高能作
賦翩々誰似大夫才

赤壁懷古

揭來破浪駕輕舸厲屐登臨興轉豪詞客
至今誇綵筆雄兵何處泣弓刀月明鴻鴈
三湘影水濶龜鼉半夜濤回首不堪評往
事拍浮吾計有持螯

擊壺編

十三

喻海屋太守移舟送至吳門寄懷一

首

風急波濤水逆流滄江漠々客心愁寧無
十日平原酒遂有千秋李郭舟長夏閒情
時卧閣新秋逸興夜登樓不堪共作他鄉
別兩地相思望斗牛

從軍行

行々撫長劍揮手辭故里漢燧直如弦胡

地平如砥仰面接翔鴻側身射驚兕朝戰
向祈連暮宿北海溪飛騎奪天驕陰山哭
皓齒白草澹黃雲悲茄發清徵憂思返舊
閭歲月若流水俯念沙場骨疇昔紅顏子
區、身後名遑惜千年死

秋閨怨

徘徊出中除凜々及素秋驚飈吹我帟明
月入我樓拭砧傍流黃蟋蟀淒以愁良人

擊壺編

一四

久別離宛洛恣行遊客行多年少歲暮寡
所傳草姜識露凝蘭摧知故柔傍徨念疇
昔中夜起悲憂

擬古

朔風起蕭瑟君行妾自傷繡幕慘別離翠
衾掩餘香當窓理殘機對鏡惜流黃君去
日以遠妾意日以長紅顏易消歇綠樹傷
凋落三秋歎遊蛾縈愁淚千行明月缺復

圓遊子天一方舉頭看征鴻縹緲雙飛翔
安得借雙翼隨君向遼陽

紫駟馬

欲知天馬異汗血自西來蹀躞紅塵絕驕
驪赤電迴名高通漢使骨貴起燕臺百戰
翻銑吹還同朱鷺裁

閨中雜詠終

擊壺編

一五

珠泉紀遊序

昔羊叔子輕裘緩帶鈴閣
虛無人每蹕欵段而陟岵
山徘徊不忍去至悲傷太
息惟恐其湮滅而無聞杜
元凱身不跨馬射不穿札

序

乙

下帷而修左氏之業如儒
生為一碑置之山為一碑
沉之淵曰安知後之不遽
為陵谷乎然卒繫歸命侯
致闕下而車書同於海宇
者此西人力也西人咸千

古英雄為晉儒將其功伐
已茂著矣而情各有所深
繫而不能遣其不以後世
名易生前蓋世之勲也若
此意可憫已吾郡彭將軍
孔嘉故諸生試輒高等然

序

二

數奇不得第乃棄去就戎
行顧雖在戎行而手不停
披口不絕吟有如元凱之
癖軍旅之際紛沓旁午飛
書馳檄咸出手裁或立馬
橫槊口占為鐃歌塞下曲

衫軍行不加點易殊自斐
然即文士墨卿率咋舌捫
心而退不敢復捉筆乃知
金風玉露之句未足稱豪
已君嘗詰戎浦口浦口介
兩都間為長江要害爰

序

丰

宿重戍彈壓之是時江不
揚波君得以蒐閱之暇時
縱屐於定山之珠泉蓋不
減羊公之興也者珠泉故
靈境而君又解為粧點闢
其嶮巖除其翳薈選勝探

奇構為亭榭而各系以詩
山川遂以生色而來游者
摩肩接武累々無停軌矣
蓋鄒從事所云令聞令望
具與茲山而俱不朽也哉
君先業文而後武彬々有

序

四

儒將風古所稱悅詩書而
敦禮樂者君真其人會海
內無風塵警竟不獲以汗
馬之功顯如羊杜二將軍
而其父雅與夫山水之好
則似又過之然羊杜二將